

# Eggstoana Rud

Rudenkirtag Sierning Faschingdienstag 13.2.2018



<p>1 Franz Strigl, Weißn Kurt wer's kennt, ham se z' Ostern fast darennt, san gegen a Glastür einikracht, im Fokus in da Osternacht, d`Nasn hin, s`Gsicht ganz z' schnittn, de 2 ham wirkli vü glittn, Franz und Kurt san, tua ned liagn, die ersten Märtyrer va Siang.</p>	<p>2 Da Eisenhuber Heli häd soin, an zsammgfiahtn Fux hoin, mitn neuchn Auto holt er`n dann, und haut in Fux in Kofferraum, had-n vagessn, drin im Heck, nach 4 Tag had er`n dann gschmeckt, nimmt s`Auto jetzt zan Fadlfiahn, an Saugruch tuast jetzt nimma gspiarn.</p>
<p>3 Da Mölk Pold, is koa Lug, hat an Ferkel-Aufzug, fährt mitn Aufzug in d`Höh, da reißt dös Seil, oje, kracht drei Meter aufn Boden, prellt si Buckl, Oarsch und Hoden, 3 Wocha steigt er so daher, wia a alter Saubär.</p>	<p>4 Da Einsiedler Fred, tans berichtn, woa a Heizung herrichten, hat ois ausbaut, Mischer, Brenner, die Heizung woa nimma zan kenna, scheißt um a paar Stundn, hat koan Fehler gfunden, do nach 8 Stund: hoppala: da Öltank is laa!</p>
<p>5 Da Lehner Siegi vorigs Jahr, hot g`heirat in da Sianga Pfarr, draußt um sechsi in da Fruah, schiast die Garde dazua, hod nur a hal-be Kistn Bier, in Sigi is dö z`blöd ois wia, früher undenkbar, gar koa Frag, kaum vaheirat – lasst er nach.</p>	<p>6 Ausn Parlament in Wean, ja was muas mah da hean. Nur oans vorweg, mia sang`s eng glei, da Singer Hans war net dabei. Da Hans, der macht net so was Wilds, grabscht hod nur da Peter Pilz, seit dera Zeit, so kann ma hean, sag'n s' jetzt „Scheiden-Pilz“ za eahm.</p>
<p>7 Va Sissi und Franz, dem Straußvogö-Paar, hat gredt ganz Siang im letzten Jahr, de 2 san ausgrissn, o mei, d`Feuwehr sagt, dö hamma glei, d`Neuzeu-ger Feuwehr is bekannt, d`langsamste Gruppn im Land, dö Vögö san dann do eiganga, sonst hädns Neuzeuger nia gfangn.</p>	<p>8 Da Landeshauptmann sagt hart: bei da Kul-tur wird jetzt gspart, lalalla, darallala, lalalla, darallala, lalalla, darallala, lalalla, darallala, Herr Landeshauptmann, tuat uns load, mia ham jetzt a a weng gspart.</p>
<p>9 In Buchegger Hans, so a Kummer, hat da Sturm vü Holz gnumma, beim Zsammarbatn ha-ds eam gradn, hadn fast a Bam daschlag'n, s`Kiefer hi, d`Zähnt ruiniert, de pla-te Kreuzfahrt hams storniert, weu ohne Zähnt ist d`Fresserei, für'n Hans, den Spar-moas-ta, z`teu.</p>	<p>10 Da Wolfinger Ed baut, schau, schau, dös Superkraut Quinoa a, glei auf 6 Hektar besten Grund, nur ausprobiern, dös is eam zdumm, do irgendwas falsch grennt, drum hat er`s eighäck-slt am End, geh sagts in Ed, in Spezialisten, dös Kraut, dös kinnst a anders nützen.</p>